

No. B.12018/2/2022-SCPCR

Dated Aizawl, the 16th March, 2023

PRESS NOTE

Aizawl District chhunga naupang harsatna tawk leh dan kalha che te enkawlna chungchang

Mizoram State Commission for Protection of Child Rights chuan March ni 16, 2023 hian Aizawl District huamchhunga naupang enkawlna hmun, Sawrkar leh NGO hnuai ami te nen inkawmhona a buatsaih a. He hunah hian naupang enkawlna hmun a hotu te an kal kim tha hle.

Tun dinhmun ah Aizawl District huamchhungah naupang venhim ngai leh harsatna tawk enkawlna hmun 11, fa a lak theih tur enkawlna hmun 3, pianphunga rualbanlo enkawlna 1, rilru lama harsatna nei enkawlna 1, ruihhlo in a tihbuai enkawlna 2 – mipa leh hmeichhia a hrangin an awm mek a, tin, dan kalha che naupang te enkawl leh kaihhruaina atan Observation Home, Place of Safety leh Special Home an awm bawk a, a vaiin Aizawl District chhungah hian home 21 a awm a ni. **Heng hmun ah te hian February 2023 thla tawp report a tarlan danin naupang 435 an awm a ni.**

He hunah hian Home hrang hrang ten khaihlak leh harsatna an tawh theih leh hmachhawn mekte sawiho ani a, an harsatna tawh hrang hrangte sutkian dan tur ruahmanna te sawiho ani.

Mizoram State Commission for Protection of Child Rights chuan heng naupang harsatna hrang hrangin a tlakbuak mek te hi a ngai pawimawh hle a, an mamawh ang tak enkawlna leh kaihruaina an dawn ngei theih nan theihtawpin enzui ngai te enzuiin, Home hrang hrang te nen hma an la mek bawk ani. **Naupang te hian hlim leh him taka chhungkaw boruak tha hnuai seilen hi an chanvo ani a, chuvangin an chungah engpawh lo thleng se enkawlna hmun a dah mai lo a, an mamawh chhung chu chhungkaw boruak tha tem thei tura hmun lo siamsak emaw a kawng lo dap pui hi mitin in kan tih theih anih avangin, naupang enkawlna kawngah tan kan lak tlan a pawimawh zia he hunah hian sawiho a ni.**

Naupangte hi kan ram hmel lanna tur leh kan ram dinhmun than zel nana kan nghahfak an nih angin, kaihhruai leh enkawlna tha kan pek a tul takzet a. Kan ramin hma a sawn a, harsatna leh dan bawhchhiatna nasa tak kan tawh mek te sukiang a, dinhmun chhe zual zawk kan thlen loh nan, tuna naupang te hi venghim a, an nun chhuahna tur boruak tha siamsak zel hi a tul takzet a ni.

Mizoram State Commission for Protection of Child Rights ah hian thawktu mi 19 – Chairperson, Member 3, Secretary bakah Administrative leh Programme lam hmalatu te an awm mek ani.

Issued by

Mizoram State Commission for Protection of Child Rights (MSCPCR)

